



Inatsisartunut ilaasortaq,
Hans Enoksen,
Naleraq
Maani/

RG-imi inuttalersuisarneq pillugu § 37 naapertorlugu apeqqummut nr. 154_2024-mut akissut

Inatsisartut suleriaasianni § 37, imm. 1 malillugu *RG-ip aalisariutaanni inuttaqartitsisarneq* pillugu Naalakkersuisunut apeqquteqarsimavutit. Apeqqut suliasaqarfigisannit akineqartussanngorlugu innersuunneqarnikuuvoq.

1) Apeqquteqaammut akissummi nr. 71/20241 Naalakkersuisut oqaatigivaat ukioq 2025 aallarnerfigalugu kalaallit kilisaatini naalakkat, aqumiut, aalisartullu inuttassat ukiortaaq 2025 aallartiffigalugu atuutilissasoq politikikkut isumaqatigiissut malillugu. Royal Greenland-ip kilisaataasa kalaallinik inuttalersorneqarnissaannut Januarip aallaqqaataani 2025 atuutilertussaq piareersarlugu aallartinneqareerpa?

a. Aammalu qaqugu umiarsuit naalagassaat kalaallit aammalu aqumiut inuttassallu kalaallit atorfinitsinneqassapat?

1) + 1a-mut) § 37 nr. 71_2024-ikkut ilisimatitsissutigineqarsimasutut erseqqissaatigineqassaaq naalakkersuinikkut isumaqatigiissut suliniutinik illugiinnik tunngaveqarmat:

- Inuttat pillugit nalunaarummi, kilisaatini maani najugalinnit sulisoqarluni inuttaqarnissaanut piumasaqaammut inatsisiliuuffigineqartumi, aqumiunut tunngasunik immikkoortunik arlalinnut tunngavoq, taamaalilluni maanna 60%-imiit 90%-imut qaffanneqarluni¹.
 - Tamatuma saniatigut naammaginarumik angusaqarluarfiusussamillu ikaarsaariarfeqarnissaq pisariaqartinneqassaaq. Nalunaarutip tusarniutigineqartussap tusarniutigineqarnera naammasseriarpata aamma anguniakkap pineqartup tunngavissai pisariaqartinneqartut pissarsiarisinnanissaat qulakkeerneqareerpata ikaarsaariarfissap sivilissusissaa erseqqissarneqartariaqassaaq.
 - Kilisaatini inuttat eqqarsaatigalugit Kalaallit Nunaani najugaqarnissamik aamma najugaqartussaaneermik piumasaqaatip aqqiiffigineqarnissaa aamma pisariaqarpoq.
- Attuumassuteqartumik ilinniarnernut suliniutinik salliutitsineq kiisalu suliaqarnermi piginnaasanut piumasaqaatinik pilersitsiniarnermi pisortat namminersortullu qanimut suleqatigiinnerat.

¹ Inuit Ataqaatigiit, Siumut, Naleraq, Atassut aamma attaviitsup akornanni Aningaasanut inatsimmut 2024-mut isumaqatigiissutaat.

- Amerlanerusut imarsionermi ilinniakkanik pisariaqartitaminnik aallartitsillutillu naammassinnittalernissaat aamma
- Umiarsuaatileqatigiit aspirantit pillugit pilersaarutaasa maannamut iluatsilluartup tapersersornissaat, massakkulli sulisut pilersaarutinut peqataasilersissinnaanissaat ajornartorsiuatigineqarluni.

Ikaarsaariarnissap piffissaa angusaqarfiunissaalu pillugit Aalisarnermut Piniarnermullu Naalackersuisoqarfik inuussutissarsiuteqartunik Ilinniartitaanermut, Kultureqarnermut Timersornermut Ilageeqarnermullu Naalackersuisoqarfimmik ataatsimeeqateqartarpoq. Nalunaarusiami "*Aalisarnermik inuussutissarsiummi sulisussaqaarniarneq ilinniartitaanerillu*" aqumiut massakkut siunissamilu Kalaallit Nunaani aalisarnermik inuussutissarsiuteqartut pisariaqartitaat naammattut massakkut pigineqangillat. Taamaattumik anguniagaq anguneqassappat nalunaarutip allangortinnarneratigut tamanna pisinnaangilaq.

Aalisarnermik inuussutissarsiummi sulisussaqaarniarneq ilinniartitaanerlu, uani nanineqarsinnaapput:

https://naalackersuisut.gl/Publikationer?types=&subjects=421c7693-0cce-4cb9-ad65-cfac4edd414b&page=1&dates=&sc_lang=kl-GL

Taamaalilluni § 37 naapertorlugu apeqqummut nr. 71-imut akissummi allaaserineqartutut nalunaarut kingusinnerpaamik 1. januar 2025 atuutsilersinneqassaaq. 90%-imilli piumasaqaat piffissamik ikaarsaariarfissaqartinneqassalluni.

2) Nalunaarutissaq inuttat kalaalinnngortinnissaannut suliarinera sumut killippa?

a. Aammalu nalunaarutissap suliarinerani kikkut suleqataappat?

b. Umiarsuarni inuttat kilisaatersornermi peqatigiiffik inuttalersuinissamut nalunaarutissat suliarineqarnerani ilaatinneqarpaat?

c. Aammalu suliat inuttalersuinissamut tunngasut nalunaarutissat qaqugu naammassineqassappat?

d. Qaqugu inuttassarsiuussinissat aallartissappat?

2 a-d-imut) § 37 apeqqummut nr. 71-imut akissummi atuarneqarsinnaasutut Kalaallit aalisariutaanni inuttalersuisarneq pillugu NamminersorlutikOqartussat nalunaarutaata allangortiternera Aalisarnermut Piniarnermullu Naalackersuisoqarfimmit isumagineqarpoq. Tassunga atatillugu siulianilu akissutaareersutut Naalackersuisoqarfik suliamut atatillugu inuussutissarsiuteqartut aallartitaanik Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimillu ataatsimeeqateqarpoq.

Aalisariutini inuttat kattuffeqangillat, inuttalli sinnerlugit SIK sullissivoq, suliallu ingerlanerani Aalisarnermut Siunnersuisoqatigiinni ilaasortatut tusarniaaffigineqarumaarput. Tamatuma saniatigut nalunaarut tamanut

tusarniutigineqartussaavoq, tassanilu kikkulluunniit akissuteqarnissaminnut periarfissinneqassallutik.

Inuussutissarsiuteqartut kingullermik ataatsimeeqatigereerlugit Aalisarnermut Piniarnermullu Naalackersuisoqarfiup nalunaarutissatut missingiut suliarileruttorpaa. Juulip ingerlanerani tamanut tusarniutigineqarnissaa naatsorsuutigineqarpoq. Taamaalillunilu Naalackersuisunit septemberip aallartisimalernerani qiteqqunneraniluunniit suliarineqarsinnaanissaa naatsorsuutigineqarluni.

Inussiarnersumik Inuulluaqqusillunga



Kim Kielsen

Aalisarnermut Piniarnermullu Naalackersuisoq